

Orator Christianvs Caroli Regii E Societate Iesv

Reggio, Carlo

Romæ, 1612

De malitia peccati in se. cap. 29.

[urn:nbn:de:hbz:466:1-68672](#)

die eadem postea implorata à superis ope, alienæ salutis auctor fuit. Sexto, multum valebit propositum Beatissimæ Virginis patrocinium. Si criminum (inquit Bernardus) im-
mantate turbatus, conscientiæ seditate confusus, iudicij per Missus
horrore perterritus, barathro incipias absorberi, tristitia, est.
desperationis abysso, cogita Mariam, non recedat ab ore, non
recedat à corde. Septimo, præter Conciones publicas ad-
hibenda priuata colloquia, & promittenda Dei misericor-
dia, etiam se ipsum coram Deo sponsorem constituendo, ad
imitationem sancti Ioannis, ut iam retuli. Possunt etiam
legi quæ ad excitandum speci affectum in animis, suo loco
diximus.

Similes locos oportebit etiam paratos habere in eos, qui Contra praesumentes de
nimium de diuina misericordia confidentes in peccatis per-
seuerant. Ne dixeris peccavi, & quid mihi accidit tristè, al-
tissimus enim est patiens redditor. De propitiatio peccato Eccl. 5.
noli esse sine metu. Ne diccas, miseratio Domini magna est,
misericordia enim, & ira ab illo cito proximant, & Paul. An Rom. 2.
divitias bonitatis eius, & patientiæ, & longanimitatis con-
temnis? His addenda Patrum testimonia, iustitiæ Dei ma-
gitudine explicanda, exempla multorum afferenda, quos
mala mors in peccatis abripuit. Ostendendum hoc vnum
esse ex peccatis in Spiritum sanctum, quæ conuersioni viam
obstruunt, cum huiusmodi homines sacrilegi, Dei bonitate,
ac misericordia nequiter abutantur. Quandoquidem diui-
na misericordiæ titulus, qui eos ad pœnitentiam mouere de-
buit, ille idem eorum culpæ incitamentum efficitur, ad per-
seuerandum in scelere, quod ipsum indignum reddit hominem
misericordia, cum ea tam indigne abutatur. Ut autem ha-
beat Orator Christianus occasionem contra ipsum peccatum
lapè pro ratione sui muneris exclamandi, subjeciam hic ali-
quos communes locos, ex quibus materia, & argumenta de-
sum possunt, pro cuiusq; arbitratu.

Loci communes ad excitandum odium contra peccatum, & primo
ex malitia peccati in se. Cap. XXIX.

Loci ad excitandum peccati odium ex triplici capite ma-
xime erubuntur; ex ipsiusmet peccati in se malitia, ac
turpitudine; ex eo quod est contra Deum, & ex damnis quæ
sunt. Hos ego locos non omnino ieunios proponam, sed

T t 4 addam

qui abiit in regionem longinquam, recedens à domo pater-
na, & per Isaiam Deus conqueritur: Peccata vestra diuise- *Cap. 39.*
runt inter vos, & Deum vestrum, & indignitatem hanc gra-
uiter exprobrat. Quis est, inquit, hic liber repudij matris *Cap. 50.*
vestrae, quo dimisi eam, aut quis est creditor meus, cui
vendidi vos? Ecce in iniuriatibus vestris venditi estis, & in
sceleribus vestris dimisi matrem vestram. Hoc autem quan-
tum malum sit, quis non videt? cum totum bonum hominis
ex fonte diuinæ bonitatis nascatur, cui fonti ut is, qui adhæ-
ret vnius cum Deo spiritus sit; ita qui renuntiat incidit in
cavernas dissipatas, & omnino perit; scriptum est enim,
Miki autem adhærere Deo bonum est, & qui elongant se à *Psal. 72.*
te, peribunt.

Quarto, peccatum quod est malum culpæ maius est omni-
malo poenæ grauius, quam summa paupertas, quam graui-
fimus morbus, quam quodlibet dedecus, & infamia, quam
injuria, & vexationes quamvis insectatorum, quam mors ip-
sa, atque adeo infernus. Dionys. Puniri, ait, non est ma- *Loco citat.*
lum, sed fieri poena dignum est malum. Hanc thesim aurea
eloquentia ut semper, tractat ac persuadet egregiè Diuus
Chrysostom. in oratione in qua demonstrat, neminem nisi à
seipso lœdi. Quare etiam sapienter ac piè dictum est à Diuo
Anselmo, Si hinc peccati pudorem, & illinc gehennæ cerne- *Lib. de si-*
rem horrorem, & necessariò vni eorum deberem immergi, militudini
prius me in infernum immergerem, quam peccatum in me, *bus.c.190.*
admitterem. Malleum enim purus à peccato, & innocens ge-
hennam intrare, quam forde pollutus cælorum regna tene-
re.] Hic debet esse fidelis planè ac generosus Christiani mi-
litis animus. Quinto, Spiritus sanctus in sacris literis ut
turpiditudinem peccati, & faciem eius horrendam proponat
omnium oculis, solet sub vilissimarum rerum symbolis ip-
sum describere, sicut etiam sancti Patres faciunt. Compa- *Peccatum re-*
ratrur enim peccatum in Scriptura propter multiplicem suam *bus vilissimis*
fuditatem ac pestem bestiarum multis generibus venenatis,
efferratis, stolidis, monstruosis. Tamquam à facie colubri *Ecc. 21.*
fuge peccatum, dentes leonis dentes eius, interficienes ani-
mas hominum. Homo cum in honore esset non intellexit, *Psal. 48.*
comparatus est iumentis insipientibus, & similis factus est
illis, & apud Hierem. Equi amatores, & emissarij facti sunt *Cap. 5.*
vnuquisque ad uxorem proximi sui hinniebat. Et, Proge- *Luc. 3.*
nies

nies viperarum , quis vobis ostendit fugere à ventura ira?
Luc. 13. Dicite vulpi illi , Carnes asinorum carnes eorum ; erit cubile draconum , & pascua struthionum , & clamabit pilosus alter ad alterum . Aliquando simile dicitur morbis ac vulneribus : Omne caput languidum , & omne cor moerens à planta pedis usque ad verticem capitis non est in eo sanitas , vulnus & liuor & plaga tumens non est circumligata , nec fota oleo , neque curata medicamine . Quasi romphæa bis acuta omnis iniquitas , plague illius non est sanitas . Alias comparatur maculis : Si laueris te nitro , tamen maculata es . Quasi pannus menstruata . Alias putredini : Computruerunt iumenta in stercore suo : Putruerunt , & corruptæ sunt cicatrices meæ . Nunc tempestati : Cor impij quasi mare feruens . Nunc oneri : Iniquitates supergressæ sunt caput meum sicut onus graue . Hic paupertati , & miseratiæ : Dicis quia diues sum , & nescis quia miser es , & miserabilis , nudus , & pauper . Illic felli , ac foecibus : In felle amaritudinis video te esse . Vua eorum tua fellis , venenum aspidum insanabile . Visitabo super viros defixos in focibus suis sæpè morti : Nomen habes quod vivas , sed mortuus es . Nonnumquam sepulchro fœtenti : Similes estis pulchris dealbatis . Denique tenebris : Paulus : Abiçimus opera tenebrarum , &c . Eratis aliquando tenebrae .
Sophon. 1. Saluianus , peccatum ait esse simile seminae . Chrysostom .
Apoc. 3. Lib. 7. de Cadaueri putrefacto , imò ibi ostendit animam peccato prouid .
Mat. 23. Chrys. bo. obnoxiam longè peiorem esse . Cyprianus : Hæc sunt , ait , peccata lapsi , quod grando frugibus , quod turbidum sy .
9. in 1. ad dus arboribus , quod armentis pestilens vastitas , quod na .
ad Theff. Alia huius generis multa ex Patribus colligere poterit
Lib. de La sua industria diligens Concionator ad peccati detestatio .
psis.
Vnū peccatū nem . Sexto , peccati malitia , & peruersitas huiusmodi est ,
si non corri- vt si non auferatur ab anima hominis in multa alia pecca -
gatur, aliorū ta ex sua prauitate inducat , & sæpè etiam in desperatio -
est cauſa. nem , ac cordis duritiam . Hoc docent verba Dauid : Fiant
Psal. 34. viæ illorum tenebræ , & lubricum , & Angelus Domini (scilicet malus) persequens eos . Satis erat ad ruinam in lu -
Epbef. 4. brico ambulare , quid ergo , & in lubrico , & in tenebris am -
 bulantem ab hoste impelli ? Et Paulus : Hoc igitur dico , & testificor in Domino , vt non ambuletis , sicut & gentes
 ambu-

ambulant in vanitate sensus tenebris obscuratum habentes intellectum, qui desperantes, seu indolentes (id est stupidi, & sine sensu doloris) semetiplos tradiderunt impudicitiae in omnem auaritiam. Egregie docet Gregor. quod Theolo- Lib. 1. in
gia tota amplectitur, aliquod esse peccatum, & causam pecca- Ezech. ho.
ti, & aliquid peccatum & pœnam peccati, & aliud esse cau- 11.
sam peccati, simul & pœnam peccati. Lege exempla ex Scripturis ibidem. Causa autem huius malitiae in peccato est, quia peccatum vel aufert omnino, vel eneruat omnia subdia, quibus à Deo iunamur ad recte agendum, ut sunt gratia, & auxilia Dei, & virtutes, & sacramenta, & affert pessimam dispositionem, qua facile dilabimur ad omne genus mali, ut sèpè in homine post longam peccandi conlitudinem, animus quasi desperet de seipso, & de diuina gratia, & contingat quod docent Isidor. & August. Namque 2. de sum.
ille, illis, inquit, quasi gradibus consurgit omne peccatum, bo. c. 23.
cogitatio prava delectationem parit, delectatio consensum, consensus actionem, actio consuetudinem, consuetudo ne-
cessitatem. Hic verò suspirabam, ait, ligatus non ferro a. Lib. Conf.
lieno, sed mea ferrea voluntate, velle meum tenebat inimi- 8. c. 5.
cus, & inde mihi catenam fecerat. Quippe ex voluntate per-
uerba facta est libido, & dum seruitur libidini facta est con-
suetudo, & dum consuetudini non resistitur, facta est ne-
cessitas. Qua omnia ex ipso peccati habitu, & consuetudi-
ne, facile manant. Vide quæso peccati malitiam, & in quos
scopulos ac syrtes nauim animæ adducat, imo compellat, &
miserrime illidat.

Loci alij ex iniurijs, quibus peccator Deum offendit.

Cap. XXX.

Si verò consideretur peccatum ut fertur aduersus Deum, & vicissim odium Dei in ipsum, quod secundum caput su-
pra posuimus, hi maximè loci existunt. Primum summa est Peccatum qua
indignitas, & intoleranda contumacia, creaturam suo se- ratione Deo
Creatori opponere, & iniuriam inferre. Apparet autem hæc
oppositio, quia cum Dei voluntas sit rectissima omnium
actionum regula, per quam totus mundus regitur, & maxime
homo, qui per intellectum & voluntatem tenetur diuinæ vo-
luntati per legem diuinam significatæ obediens. Peccatum est
quod Deo, eiusq; voluntati, ac legi repugnat, atque ob id vo-
lenti